

## ԲԱՆԱՍԻՐԱԿԱՆ

ԳԼՈՒԽ ԵՐԿՐՈՐ

### ՆԱՐԵԿԱՑՈՒ ԱՏԵՂԾԱԳՈՐԾՈՒԹԵԱՆ ԺԱՆՐԱՅԻՆ ՀԱՄԱԿԱՐԳԸ

Բ. Արձակ Երկերի Գրական տեսակները

Բազմաժանր չէ Գրիգոր Նարեկացու արձակը: Նա գրել է մեկնութիւն, թուղթ, ներքողներ, յիշատակարաններ: Իբրև մեծ անհատականութիւն՝ նա իր կնիքն է դրել այդ ժանրերի հետագայ զարգացման վրայ: 977 թ. Նարեկացին գրել է «Երգ Երգոցի» մեկնութիւնը՝ Վասպուրականի Գուրգէն Արծրունի թագաւորի պատուէրով: Թեև այդ գործը դեռևս 4րդ դարում մեկնաբանել էր վաղ բիւզանդական գրականութեան ակամաւոր դէմքերից մէկը՝ Գրիգոր Նիւսացին (335-394), եւ այդ մեկնութիւնը հայերէն էր թարգմանուել դեռևս 5րդ դարում, սակայն 10րդ դարում զգացում է նոր մեկնութեան պահանջ: Կային մարդիկ, որ «Երգ Երգոցն» ընկալում էին որպէս սիրահար գոյգի սիրոյ փառաբանութիւն՝ աշխարհիկ իմաստով եւ ոչ թէ որպէս հոգեւոր սիրոյ այլաբանութիւն: Երիտասարդ Նարեկացին դժուարութեամբ է յանձն առել պատուէրը: Նա երկիւղ է կրել Ս. Գրքի յօսքերը անհարազատ մեկնաբանութեամբ աղաւաղելուց. «Մանաւանդ զի չէ փոքր դատապարտութիւն եւ պատիժ՝ զքանս Արքոց Գրոց օտար մեկնութեամբ աղաւաղեալ՝ վասն ոչ տգէտ երեւելոյ եւ փառամոլ հպարտութեամբ զոչէն իբրև զճշարիտ ցուցանել» (ԳՆՄ, 271):

Մեկնութիւնը բացատրական եւ վերլուծական բնոյթի գրուածք է: Ըստ Նոր Հայկագեան բառարանի՝ «Մեկնելն զմթու- թիւն բանի. բացատրութիւն, վերլուծութիւն,

լուծումն, թարգմանութիւն. իմաստ կամ միտ բանի՝ ըստ ճառին եւ ըստ խորհրդոյ»: (1): Իբրև ժանր՝ մեկնութիւնը պատկանում է կրօնա-եկեղեցական գրականութեան բնագաւառին: Յայտնի են մեկնաբանութեան մի քանի եղանակներ. տառացի, այլաբանական, վերլուծական, խորհրդանշական, եւ այլն: Միջնադարեան մեկնիչին ամենից առաջ մտահոգում էր Աստուածաշնչի բառը տեսնել ժամանակի կրօնա-աստուածաբանական ըմբռնումների լոյսի տակ, խորհրդաւոր եւ այլաբանական իմաստ գտնել նրա մէջ:

Նարեկացին հիմնականում հետեւում է մեկնութեան այլաբանական եղանակին: Նա տալիս է բնագրի մախաղասութիւնը, տողը, հատուածը, որ բնաբան է կոչւում, ապա մեկնաբանում հիմնականում հոգեւոր իմաստաւորմամբ՝ հաստատելու համար ճիշտունէական վարդապետութեան այս կամ այն գաղափարը: Նարեկացին սկսում է խորագրի մեկնութիւնից. «Արդ, նախ զայս արժան է ասել, թէ զինչ մեկնի Երգ Երգոց» եւ բացատրում է, որ «Երգ Երգոցք է օրհնութիւն օրհնութեանց» եւ որ այդ երգերը հնում «ձայնիւ երգէին ի տաճարին» (ԳՆՄ, 272-273): Այնուհետեւ, հաւատարիմ մնալով հին մեկնութեան այն մտքին, թէ Հարաւ Եկեղեցին է, իսկ Փեսան՝ Գրիստոսը, Նարեկացին բացատրում է, թէ ինչու է Աղոճոն իմաստունը հոգեւոր սէրը երգելու համար դիմել զգայական սիրոյ օրինակին: Նախ՝ Հարսի

և Փեսայի սերը «ազատ լինի ի պիղծ խառնից, չէ օտար ի Հոգւոյն շնորհաց» - գրում է Նարեկացին - ապա եւ սերը՝ մարդկային արտի ամենավեհ զգացումն է եւ «չի՛ք յերկրի պատուականագոյն եւ առ աւել քան գւեր առն եւ կնոջ» եւ, վերջապէս, շատերը, հալածանքների եւ փորձութիւնների ծանր օրերին, յամուն ընտանեկան սիրոյ՝ հրաժարուել են նոյնիսկ իրենց դաւանանքից. «Նա եւս եւ վասն ընտանեաց սիրոյ՝ բազումք ի Քրիստոսէ անկան եւ ուրացան ի հալածանաց ժամանակսն» (ԳՆՄ, 275-276): Ինքնատիպ է Նարեկացու այն փաստարկը եւս, թէ Ազաւը դրախտից արտաբուել է ոչ թէ Աստուած լինելու յանդուգն քայլի, այլ եւայլից չբաժանուելու համար. «Այլ եւ Ազաւ եւս ի դրախտէն եւ ի լուսեղէն փառացն յաղագս կնոջն սիրոյ մերժեցաւ եւ արտաբս անկաւ» (ԳՆՄ, 276): Նարեկացին, այսպիսով, մասամբ արդիական շունչ է ներարկում հին մեկնութեանը:

Նարեկացին «Երգ Երգոցը» մեկնաբանում է գլուխ առ գլուխ: Այստեղ նա հաւատարիմ է մնում ժանրի ասանդոթին եւ, ամենից առաջ, Գրիգոր Նիսացու մեկնութեանը, որի անմիջական ազդեցութիւնը զգալի է ամեն քայլափոխի: Կայ մի էական տարբերութիւն. Նիսացին բանավիճում է անտիկ մտածողների հեթանոսական աշխարհիկ ըմբռնումների դէմ, Նարեկացին ձգտում է հերքել աղանդաւորական այս կամ այն միտքը: Բացի դրանից՝ Նարեկացին իր փաստարկների համար ժամանակ առ ժամանակ օրինակներ է վերցնում ազգային մատենագրութիւնից եւ, առաջին հերթին, Ազաթանգեղոսից: Մեկնութեան մէջ արտացոլուել է նաեւ Նարեկացու նորպատմական այն հայեացքը, որ Աստուած ճանաչելի է իր ստեղծած գոյերի միջոցով եւ որ կատարեալ մարդիկ սրբերն ու արդարներն են, որոնք ձգտում են

մտանուել Քրիստոսին, լինել «մարդ կատարեալ՝ նոյնպէս եւ Աստուած կատարեալ» (ԳՆՄ, 363): Հետեւելով աւանդոթին, Նարեկացին նոյնպէս դիմում է բառարացատրութիւնների եւ թուերի խորհրդապաշտական իմաստների վերծանման. «Սողոմոն՝ խաղաղութիւն թարգմանի», «Սիռլմ թարգմանի մայր», «Բեղմաւոն պարարտ երկիր է Հրէաստանի», «Ի թուոց տասն է կատարեալ, եւ եթէ այլ թուէ, ի մին դառնայ, ասել՝ մետասան» եւ այլն:

Մեկնութիւնը հնարաւորութիւն է տուել Նարեկացուն աւելի խոր թափանցելու Երգ Երգոցի բանաստեղծական պատկերների մէջ: Կենդանի քննութեան այն թրթռում զգացողութիւնը, որ բնորոշ է Նարեկացու մի քանի տաղերին, աղբս ունի Երգ Երգոցի բնապատկերների անանց թարմութեան հետ: Ճաշակ տալու համար, թէ ինչպէս է Նարեկացին Երգ Երգոցի պարզ փոխարեութիւնը մեկնաբանում կրօնական հայեցակէտից, բերեմ միայն մէկ օրինակ. «Ես ծաղիկ դաշտաց, շուշան հովտաց» (Երգ, Բ, 1): «Ո գարմանալի իրս - գրում է երիտասարդ Նարեկացին - որպէս մարմինն տնօրինեալ տեսնոյ այնու զանոսանկիւն մեզ ի տեսութիւն էած, նոյնպէս ջանայ ցուցանել զբարեգարդութիւնն, զոր զգեցաւ երկիր՝ զՔրիստոս ընդունելով. թէ որպէս երկրի տեսութիւն ծաղկովք պսակեալ՝ զուարճացուցանէ զակն տեսողաց, եւ շուշան, որ ի հովիտս, այնպէս որք որպէս զդաշտս սարածանեն զոգիս իւրեանց ինձ ի բնակութիւն, եւ իբրեւ գեղիտս հորդին ինեւ, փթթին զինեւ ի ցնծութիւն անճառելի տեսողաց» (ԳՆՄ, 288):

Եւ այսպէս, Նարեկացու «Երգ Երգոցի» մեկնութիւնը պատկանում է այդ ժանրի կրօնա-եկեղեցական գրականութեանը, գրուած է այլաբանական մեկնողական եղանակով՝ մեկնաբանական ժանրի

հիմնական յատկանիշների պահպանմամբ: Գաղափարական մեկնակետը կարելի է տալ Նարեկացու գեղեցիկ ձևակերպմամբ. «զգրեալն ընդունել հաստատուն հաւատով, եւ առաւել քան զգրեալսն ոչ իմանալ եւ ոչ զանճննելիսն ճննել, այլ զամենայն անկարելի իրս եւ զանլիների եւ զանհաւատալի՝ Աստուծոյ զօրութեանն հաւատալ, որ կարողն է յամենայնի» (ԳՆՄ, 309):

Նարեկացու արձակի միւս տեսակը թուղթն է: Թուղթը կարելի է համարել միջնադարի հրապարակախօսութեան ժանրի տարածուած ձևերից մէկը՝ անձնական նամակից մինչեւ ուղերձներն ու պետական-պաշտօնական գրութիւնները: Հին գրականութեան ժանրային համակարգը անհնար է պատկերացնել առանց թղթի ժանրի: Դա կենսունակ, ճկուն, գործնական ժանր էր, որ յարատեւում է նաեւ այսօր:

Նարեկացուց մեզ է հասել միայն մէկ թուղթ՝ յղուած Կնակայ վանքի վանահօրը: (2) Թուղթն արժէքաւոր է մի կողմից թոնդրակեան շարժման բնոյթը իմանալու, միւս կողմից՝ Նարեկացու՝ իբրեւ ընդդիմախօսի բուռն եւ անհաշտ խառնուածքը նանայելու տեսակետից: Թղթի՝ իբրեւ պատմական սկզբնաղբիւրի արժէքը բարձր է գնահատել սկադ. Աշոտ Յովհաննիսեանը: (3) Թուղթը հնարաւորութիւն է տուել պատմաբանին ճշտելու, որ թոնդրակեան շարժումը սկիզբ է առել Յովհաննէս Օվայեցի կաթողիկոսի (833-858) եւ սրան ժամանակակից Միքատ Բագրատունի սպարապետի (822-855) տարիներին եւ որ Միքատ Ջարեհավանցուն՝ թոնդրակեցիների աղանդապետին սպանել է Կայնիկ Էմոք Աբուլ-Բարդը, որի անունը Նարեկացին աւանդել է Այլ - Վարդ ձևով:

Թուղթը Գրիգոր Նարեկացին գրել է Անանիա Նարեկացու՝ Թոնդրակեցիների

դէմ գրած հակաճառութեան ոգով: Անանիայի հակաճառութիւնը, դժբախտաբար, մեզ չի հասել: Նարեկացին բանաճառել է իր ուսուցչի հակաճառութեան առանձին կէտեր, յորդորելով Կնակայ վանքի վանահօրը կարդալ հենց Անանիայի երկը: Նարեկացու անհատականութիւնը այստեղ եւս իր դրոշմն է դրել ժանրի ձևակառուցուածճային տարրերի վրայ: Առաջին հայեացքից թոււմ է, թէ թուղթը պէտք է լիներ թոնդրակեան աղանդի կշռադատուած ճննութիւն: Մինչդեռ Նարեկացին այնքան շիկացած է արտայայտում իր յուզական վերաբերմունքը, որ նրա խօսքը վերահում է գեղարուեստական պատկերի: Կարծես մոռանալով բրիտանական հանդուրժմանութեան ամէն մի պատուիրան, Նարեկացին Թոնդրակեցիներին նշաւակում է այնպիսի լուսանճներով, որոնք կարծես ծաղկաճառուած են ժողովրդական անէծքներից: Այդ տպաւորութիւնը յատկապէս շեշտուում է քաղաճայնների գոյս հանգիստութեամբ: Ո՞վքեր են Թոնդրակեցիները Նարեկացու բնութագրմամբ. «շարք շանց, եւ գումարք գողոց, եւ գունդք գայլոց, եւ դամբ դիւաց, եւ ազինք աւազակաց, բոյլք բարբարոսաց, խումբք խաչահանուաց, եւ ժողովք շարեաց, եւ արք արեանց, եւ երամք թումուր օճից, եւ վտառք մարդադէմ գազանաց, եւ կանառք կախարդասարաւ աղանդաւորաց, որք ոչ միայն եկեղեցականաց, այլեւ հեթանոսաց են անգոսնելիք»: (4)

Հրապարակախօսական այս կիրքը, որով ներթափանցուած է Գրիգոր Նարեկացու թուղթը, վկայում է հեղինակի ոչ միայն հասարակական դիրքորոշման, այլեւ որպէս անհատի ու բանաստեղծի՝ նրա ըմբոստ ոգու մասին: Մօսիք շիկացման այս գիծը յետագայում որդեգրեցին Գրիգոր Մագիստրոսը, Ներսէս Լամբրոնացին, Գրիգոր Տաթեւացին եւ ուրիշներ:

Նարեկացին գեղարուեստական նոր մակարդակի բարձրացրեց ներքողը: Ժանրը մինչև Նարեկացին անցել էր արևիլի քան հինգհարիւրամեայ ուղի: Տիպաբանօրէն առանձնացել էին ներքողի երեք տեսակներ՝ անկախ ժանրանուանման համահիշային բազմազանութիւնից. ա) գովասանական, բ) վարձագրական եւ գ) դամբանական: Թէեւ հանդիսաւոր «թօնը» պերճ ու գեղուն ռճը յատուկ է բոլորին, բայց գովասանական ներքողը սովորաբար տոգորուած է գուարթ տրամադրութեամբ, դամբանականը՝ տիրաշառք վեհութեամբ, վարձագրականը՝ վիպական հանդարտութեամբ: Կառուցուածքային տեսակէտից եւ ներքողի համար յատկանշական են երեք մաս. ա) նախաբանը, ուր հեղինակը հիմնաւորում է ներքողի միութի կարեւորութիւնը, բ) բուն նիւթը՝ պատմողական տարրերի որոշակի յաջորդական մատուցմամբ, գ) վերջաբանը, որն ամբողջացնում է ասելիքը՝ քարեխօսութեան յաւելմամբ: Այսպիսով, ներքողը համեմատաբար փոքրածաւալ գեղարուեստական ստեղծագործութիւն է՝ արձակ կամ չափածոյ, որի մէջ պատմողական մասը գրաւում է նուազագոյն տեղ, մատուցման վնասարկանութիւնը եւ նարտասանական գովեստը՝ առաւելագոյն:

Նարեկացու ներքողները թեւեւ թուով շատ չեն, բայց հարուստ եւ ինքնատիպ են իրենց ժանրային գծերով: Նա ներքողներ է նուիրել առաջնակարգին եւ նրանց աշակերտներին, Յակոբ Մծբնացուն, Աստուածածնին եւ Նաչին: Իր ժանրային առանձնայատկութիւններով աչքի է ընկնում Ապարանից Նաչի պատմութիւնը, որը վերնագրուած է այսպէս. «Յիշատակագրութիւն պատմութեան ամենագոր մշանի աստուածեան Նաչին, որ ի վերուստ ամենահայեաց նախատեսն ակնարկութեմն է ստորին կայից աշխարհի ազգաց Յունաց բերեալ հանգուցաւ ի սահմանս վայրից գաւառին Մոկաց, ի շինուած բնակութեան

ուխտին սրբութեան, որ կոչի Ապարանք»: Գրելու շարժառիթը հանդիսացել է Մոկաց եպիսկոպոս Ստեփանոսի նամակը՝ ուղղուած Նարեկացուն, գրել Ապարանից Նաչի պատմութիւնը եւ ներքողը Նաչն ու Աստուածածնին: Ի պատասխան նամակի՝ Նարեկացին գրուածքի յիշատակարանում գրում է այսպէս. «Ըստ հայցման հանութեան բարեսէր կամաց երջանկիդ եւ գրութեան նամակի ձերում պատեմնի, յօրինեալ շարադրեցի զպատմութեանն գովեստ եւ զնախա ներքողին» (ԳՆՄ, 422): Պատմութեան գովեստ արտայայտութիւնը, ինչպէս նաեւ խորագրի յիշատակագրութիւն պատմութեան անուանումը թոյլ են տալիս ասելու, որ Նարեկացին գրել է ոչ թէ պատմագրական երկ, ինչպէս պատմագիրները, այլ յօրինել է ներքողական մի գրուածք, որը յայտնի է ներքող պատմագրաբար անունով: Նարեկացին խուսափել է պարզ պատմելուց մի իրադարձութիւն, դէպքերի մի շարք, որ բնաւ էլ եզակի չէր. սրբութեան մասունք ձեռք բերել եւ դնել նորակառոյց վանքում: Նարեկացին նոյնպէս, ծաւալել, ծաղկեցրել է դէպքը՝ առաւել տուրք տալով նարտասանական վերամբարձութեան, քան գեղեցկութեանը՝ պարզութեան մէջ: Ինչպէս կատարուել է Նարեկացու օրերին՝ 983 թուականին: Ըստ Զամչանի՝ Նարեկացին ներկայ է եղել նկարագրուած հանդիսութեանը. «ակնատես գոլով իրացն՝ գրեաց զայսմանն երկար՝ հոնտորական պերճաբանութեամբ»: (5)

Մոկաց աշխարհում եղել է մի եպիսկոպոս՝ Դաւիթ անունով: Սա մահացել եւ թաղուել է Ապարանից վանքում: Նրան սուրբ են հռչակում եւ հաւատում, որ նրա գերեզմանի հողը բուծում է հիւանդներին: Դաւիթն յաջորդում է եպիսկոպոսական աթոռին նրա եղբոր դասեր որդին՝ Ստեփանոս Մոկացին՝ Նարեկացու նամակագիրը: Ստեփանոսը Դաւիթ

բախկոտացուից բացի ունեցել է նաև մի այլ մօրեղբայր, որի որդին ծառայել է քիւզազանդակամ բանակում: Այդ զինուորականը իր հետ բուժիչ հող էր տարել իր Դաւիթ հօրեղբոր տապանից: Հրաշագործ այդ հողի համբաւը հասնում է նաև քիւզազանդակամ կայսր եղբայրներին՝ Վասիլի եւ Կոստանդինին: Ցանկանալով վարձահատոյց լինել հայ զինուորականի մի կարեւոր ծառայութեան համար, նրանք բարձրացնում են նրա աստիճանը եւ ընդառաջելով նրա ցանկութեանը՝ տերունակամ խաչից մի մասուց բն տալիս նրան՝ դնելով ոսկեծոյլ գեղազարդ մի տուփի մէջ՝ որպէս նուէր Ապարանից վանքի Ստեփանոս եպիսկոպոսին: Այդ մասուցն էլ 983 թ. հանդիսաւոր փոխադրում եւ դրում է Ս. Աստուածածին նորակառոյց եկեղեցում: Այս դէպքն է, ահա, որ առիթ է դարձել գրելու Ապարանից Խաչի պատմութիւնը եւ նրան առընթեր Խաչի եւ Աստուածածնի ներքոյնը:

Ժամրային առումով այս գործը՝ պատմական ակնարկը համադրում է ներքոյի հետ, գրեկածնի տեսանկիւնից՝ արձակը չափածոյի հետ: Դա արել է գիտակցաբար, յայտնելով, որ ինքը միակ պանում է մասերի ներքին միասնութիւնը եւ թոյլատրելի է համարում «գումարահոյով պատմաբանութեան» խառնել գում ինչ դրութիւնս համառօտագիր դրուատից» (ԳՆՄ, 389): Խաչի ներքողը Նարեկացին վերնագրել է այսպէս. «Առընթեր դրութիւն սակաւ սոփեստի յարակցեալ հիւսի ճառս ներքողի լուսկազմ խաչիդ նշանի» եւ, ինչպէս վայել է նախաբանին, իրեն անգոր է համարում «բանից գօրութեան՝ համբաւել զնշմարտութեանս պայծառութիւն խորհրդոյ Խաչիս գօրութեան» (ԳՆՄ, 391): Բուն միւթը յանգում է խաչելութեան ներքողմանն ու նրա իմաստին: Յիսուսը

խաչուեց, որպէս զի դառնար «պատարագ մեզ փրկանաց եւ գրաւ թողութեան մեղաց»: Ուստի խաչը, ըստ Նարեկացու, ոչ թէ մարդկային իմաստութեան արդիւնք է, այլ աստուածայինը տեսնելու եւ գգալու միջոց, քառակող մի առասան, որը գսպում է մեր խորոյտ անսանձութիւնը եւ, միաժամանակ, «ի վիէ ամբարձմամբ հանեալ գծանութիւն մարդոյս խակութեան, երազ սլացմամբ յիմանալիսն գերամբարձեալ՝ աստուածութեանն ընծայեցուցանէ» (ԳՆՄ, 397):

Ներքողի միւս մասը կարող է ընկալուել իրրեւ առանձին ներքող: Բանն այն է, որ այդ մասը գրուած է ա) չափածոյ, որ իշխում է հիմնականում հնգավանկ անդամը, բ) օգտագործուած է այբբենական բանակապ՝ Ա-Ք տառերի յաջորդականութեամբ եւ, վերջապէս, գ) հատուածը նախորդում է վերջաբանին: Հատուածի ինքնուրոյնութիւնը՝ իրրեւ չափածոյ օրհնութիւն, նշել է նաև Նարեկացին. «Այլ մեք ըստ չափածոյ կշռութեան գօրութեան մերոյ կենդանաբար նշանի աստուածեան խաչիս այսուհետեւ ձօնեցումք ձայն մաքուր ընծայից քաղցրաբարբառ բանից օրհնութեամբ» (ԳՆՄ, 397):

Աստուածածնին նուիրած ներքողը Նարեկացին խորագրել է այսպէս. «Ի սոյն կարգ դասեալ իբր զմիաշար խորհրդոյ տեսակ՝ ընդ Ներքողինի Խաչիս խորհրդոյ՝ եւ գովեստ երգաբանութեան Տիրուհւոյդ»: Նարեկացու այս ներքողը այն բարձրակէտն է, որին հասել է նա՝ ներքողագրութեան մէջ: Մի կողմից Նարեկացին հարազատ է մնում ժամրի ճեւղատուցումաճային յատկանիշներին, միւս կողմից՝ նրա ստեղծագործական տարերքը յորդում է զգացումներին այնպիսի անկեղծութեամբ ու ջերմութեամբ, որ ներքողը վերածում է նշմարիտ եւ բարձրարուեստ բանաստեղծութեան:

Ներքողի նախաբանը կառուցուած է

դասական սկզբունքով: Դժուար է ներքողել Աստուածածնին. «Ռ՞ր երգ պատկանագիր ի քահ գովեստից օրհնեալ պատուեսցէ» նրան - վարանում է հեղինակը եւ ապա երկիրը յաղթահարած՝ յայտարարում. «Բայց սակայն երգեսցէ բանս որքան զօրեսցէ ի բողոքանաց սրտի փափազման՝ նմին ընծայ օրհնառաք փառաց տեսութեան» (ԳՆՄ, 408): Բուն նկիւրը գրեթէ գերծ է պատմողական տարրից: Գործողութեան հենքը կազմում է Աստուածածնի՝ որպէս լոյսի չօր՝ Աստուծու հարսի եւ Յիսուս մանկան մօր, խաչուած փրկչի ծնողի գովասանութիւնը: Նա ծնել է աստուածորդուն, մայրօրէն զգուել նրան, կերակրել «մայրենի կաթամբ», դարձել «երկիր անձնական բանական բուսայն» եւ «վայր դալարաբեր հայրական ծոցածին ծաղկին» (ԳՆՄ, 409):

Վերջաբանին անցնելուց առաջ Նարեկացին դիմում է Աստուածածնին՝ նրան նուիրուած տաճարում յաւերժ օրհնութեամբ պատկելուն, ապաւինելով նրա բարեխօսութեանն ու մաղաքմաններին. «զձեռս մեր ի սմա տարածանեմք եւ աներկբայ յուսով հաւատամք ապրիլ» (ԳՆՄ, 419-420): Վերջաբանն ունի խորագիր՝ «Նորին վերստին ի վերայ գրոյ անուան իւրոյ»: Եւ, իսկապէս, վերջաբանի բանակապը յօդում է Նարեկացու անունը՝ «Գրիգոր»: Վերջաբանի իմաստը յանգում է Աստուածածնի բարեխօսութեամբ թողութիւն գտնելուն:

Այսպիսով, Ապարանից Խաչի պատմութեանը յաջորդում է Խաչի ներքողը, Խաչի ներքողին՝ Աստուածածնի ներքողը, ապա վերջաբանին՝ յիշատակարանը: Գրական տարրեր ժանրերի այդ համադրութիւնը Նարեկացին ներկայացրել է իբրեւ մէկ ստեղծագործութիւն, մէկ մատեան: Կատարելով Ստեփանոս Մոկացու պատուէրը, նա այդ երկը, ըստ էութեան, ձօնել է նրան, յաւերժացնելու համար նրա

անունը. «որպէս զի մնացես յարակայ ի սոյն համառօտագիծ մատենի յաւարս անթիւս եւ յամս հազարաւորս իմով սակաւամասնեայ իմաստի» (ԳՆՄ, 422):

Նարեկացին խորապէս ծանօթ էր ներքողի եւ, առհասարակ, գրական տեսակների մասին միջնադարեան տեսական մտփին: Ճարտասանական հին ձեռնարկները նշում են այն հիմնական յատկանիշները, որոնց համաձայն պէտք է մատուցուի ներքողի նկիւրը: «Պիտոյից Գիրքը», օրինակ, յանձնարարում է նախաբանից յետոյ դնել ներքողի անձի գործը, տալ նրա մարմնաւոր եւ հոգեւոր բարեմասնութիւնների նկարագիրը, թուարկել գործերը եւ այս ամէնը աւարտել համեմատութիւնների մի շարքով, ուր գերազանցութիւնը միշտ պէտք է տրուի ներքողի անձին: «Եւ ապա զմեծ գլուխ ներքողինի դնել զգործսն - հրահանգում է «Պիտոյից Գիրքը» - եւ բաժանել յանձն եւ ի մարմին եւ ի դպրածս», ապա եւ՝ «Եւ ի վերայ այտցոյի դնել զբաղդատութիւն յարադրութեամբ ներքողեցելունն զմեծագոյն ընդունել» (6):

Այս կէտերը կարող են գործնականօրէն ներկայացուել այլ յաջորդականութեամբ, բայց էականը յանգում է չորս կէտերի. ա) գրել ծնողների եւ ծննդավայրի, բ) ուսման եւ դաստիարակութեան, գ) հոգեւոր եւ մարմնաւոր բարեմասնութիւնների եւ դ) գործերի եւ դիպուածների մասին: Ներքողի այս եւ տեսութեամբ հրահանգուող միւս պահանջների լիակատար հետեւողութեամբ է Նարեկացին գրել Յակոբ Մծրնացուն նուիրուած վարբագրական ներքողը: Ըստ աւանդութեան Յակոբը Գրիգոր Լուսաւորչի քրոջ որդին էր. «որդի սեպիական քեռ սերմանողի Լուսաւորչին մերոյ սրբոյն Գրիգորի» (ԳՆՄ, 449): Ըստ այդմ էլ նա ներքողում է Մծրնացուն՝ սկսելով տոնից. «Ի հեռաւորաց խուժային պարսկական

ազանց դիւցազանց՝ շառաւել լուսոյ աստուածպաշտութեան», «ի տոհմէ հզօրէ յայտնեալ»: Յակոբի ծնողները հեթանոս էին: Բայց նա եղաւ «ի դառնարմատ ծառոյ՝ ճաշակ նոր պտղոյ», «ի մթութեան աստուերէ՝ նշոյլ մեզ լուսոյ» եւ այլն: Մարմնական գեղեցկութիւնից ընդգծում է դէմքի գեղեցկութիւնը. «հրաշացեալ դեղով ի դէմս կերպի», հոգեւոր առաքինութիւններից մաքուր վարքը, անապական հաւատը, հրեշտակային բնաւորութիւնը: Խօսելով Մծբնացու գործերի մասին Նարեկացին պատմում է, որ նա բարձրացել է Արարատ լեռը, ցրելու համար անհաւատների այն տարակոյսները, որոնք չէին հաւատում Նոյի տապանին, ասում էին, «թէ իբր չիցէ եղեալ իրին էութիւն, անպիտան գրեցին գղէմն բանին եւ պարսաւելի՝ իբրեւ երկն ու ծնունդ շաղակրատ մտաց ընդվայրաճառից»: Միևչոյն Մծբնացին բերել է տապանի մի կտոր փայտ՝ «ի կշտամբութիւն յանդիմանութեան թերհաւատիցն» (ԳՆՄ, 448): Իբրեւ եկեղեցու հովուապետ՝ Յակոբը եղել է անբասիր, հրաշագործ, առաքինի, հեզ «մեծն առաջնորդաց, պարծանքն լաւաց, յարդարիչն եկեղեցականաց» եւ իրաւամբ կոչուել է Ջգօն, «որ եւ անունն իսկ թարգմանեալ մեկնապէս հիւմն է հանութեան» (ԳՆՄ, 450): Մծբնացու գործունէութեան մէջ Նարեկացին ընդգծում է նաեւ, որ նա մէկն էր «ի կանոնագրացն հաւատաստեման դաւանողաց հարցն Նիկիայի», որը արմատախիլ է արել Արիոսեան աղանդը: Ընդհանուր գծերով սա է ներքողի նիւթը: Մնացածը գովասանութիւն է, եւ այստեղ է, որ Նարեկացու խօսքը փայլում է ճարտասանական գիւտերի եւ փոխաբերութիւնների շքեղութեամբ: Իբրեւ նորութիւն, Նարեկացին խոհափիլիսոփայական երանգ է տալիս ներքողին, ձգտում է խուսափել անառարկայական վերամբարձութիւնից,

յանախակի դիմում է յանգաւորման, պահպանում է անցման համամասնութիւնը, ընթերցողի հետ հաղորդակցման անմիջական կապը: Գրիգոր Նարեկացին ներքողի ժանրը բարձրացրեց մի նոր մակարդակի՝ դիւրութիւն ընծանելով արձակ ներքողագրութիւնից չափածոյ ներքողագրութեան համար:

ԱՂԲԻՒՆԵՐ ԵՒ ԾԱՆՕԹԱԳՐՈՒԹԻՒՆՆԵՐ

- 1 ՆՀԲ, հ. 2, էջ 244
- 2 Գիրք Թղոցք, էջ 498-502
- 3 Աշ. Յովհաննիսեան, Դրուագներ ..., հ. 1, էջ 340-345
- 4 Գիրք Թղոցք, էջ 500
- 5 Մ. Զամչեան, Պատմութիւն Հայոց, հ. Բ, էջ 854
- 6 Սրբոյ հօրն մերոյ Մովսէսի Խորենացւոյ Մատենագրութիւնք, Վննտիկ, 1865, էջ 413

Ա. ՂԱԶԻՆԵԱՆ